

藏

寺

詩

稿

藏

藏書樓詩稿

癸巳元日

俊風梯敗柳谷律轉寒灰天象依新曆人情總舊哀  
年々雙鬢改事々寸心回悵望頽椒日香浮鸚鵡盃

亭山省墓

掛席理獲梳東風射眸子望雲仰佳城清淚如鉛水  
松柏鬱已拱繼述鮮備美上視白鶴翔下慚馴兔士  
漆燈終羨門錢冠無御史教忠唯一經作孝非二理



鳳毛嗟空言瓶壘實自恥天高不可戴地厚不得履  
咄々心問心長劍鳴不已追思伍大夫簫聲在吳市

### 遊柯山

翩々彩鷁輕拂々惠風清藹々春容麗紛々蘭茝榮  
捨舟陟高岡歷々聞鳥鳴古木無脩條荒臺唯冷雲  
藤蘿繞峭壁絕壑如長陰麋鹿可共遊豺狼安足論  
山河本明秀日月殊崢嶸屐齒未云倦西山忽已傾  
赤松杳難遇漢武不再生已矣發長嘯歸歟復短吟

東晉

慷慨追古道空多去日情

### 宴王氏園亭賦謝

白簡遺風綠野堂殷勤禮樂古文章屏開歌舞三更  
月簾鎖琴樽一夜霜兔苑久傳無獨步龍門今見有  
連床十年不作平原飲投轄情深為舉觴

### 媚柳行贈王鄂叔

媚柳披雲足風雅王郎器宇真儒者軒々琨玉秋霜  
明平叔安能爭艷冶寂寞復如楊子雲經年著書董

帷下巾箱五經手自抄校讐之外言笑寡口吐白鳳  
筆生花遺珠碎金銀河瀉湘中琳琅冰壺月形容不  
足盡瀟灑倒屣殷勤東閣開風雲促膝臂堪把班荆  
剪韭意氣間荀令香爐襲四野趙舞秦歌午夜張醇  
醪飲人無笑罕自憐孤客失意义咄口怪事空中寫  
今朝一作龍門游不許祁生稱倚馬

宿姜英甫齋中作

途窮知己盡不分有連茵下榻當今夕銜杯見古人

東晉

香浮三徑草月照一堂春亦可消離亂無庸苦避秦

其二

愛客張華燭堂羅瑋瑁簪玉盤春菜美金谷暮雲深  
豹霧拚長隱鷄鳴喜共吟醉歌無刺事猶戀月光侵

其三

青雲湖海薄白眼亂離深我已從梅福君猶愛竹林  
學劉千斛酒歌舜七絃琴慷慨能相似芝蘭古讓今

其四

故事聞聯璧今朝見  
斷金春風竹葉酒  
夜月栢梁吟  
意氣能看劍風流欲煮琴  
青松無敗色藉爾有深心

春日飲于姜綺季家作

孤棹春城客天涯  
渺盍簪幸逢十日飲  
暫放百年心  
季札雖無劍鍾期自解琴  
雲龍促膝裏何必夢中尋

其二

如君真絕少結客不辭貧  
班爵前人合忘形  
後輩親  
舉炊猶傍釜澆酒却除巾  
不減禰衡刺多緣為故人

東晉

呈張道子先生

先朝大將霍嫖姚  
十載衡門解戰袍  
避世不辭霜劍  
冷談天猶識陣雲高  
且堅龍卧逢三顧  
定際鷹揚展  
六韜慚媿儒生空  
意氣虎頭今已笑  
鉛刀

淨業堂書懷

鐘鼓梵王殿  
淒其金谷園  
颼風欺老樹  
隙月射顏垣  
石磴苔錢沒  
空梁燕壘存  
雜消興替感  
決意問桃源

其二

五柳雙桐下悲風滿漆園  
惟存稽紹血不散屈平魂  
無主花空艷挑愁鳥自喧  
于公門第說此後不須論

用原韻答劉子范見贈

寒人癖性畏群居終日危樓  
自較書劍術每憐光彩  
盡詩名深愧琢磨踈風塵漠  
々吾休矣湖海茫茫君  
問諸困頓祇緣無狗監上林  
豈少漢相如

首春宴集和張木弟韻

何遜梅花春未開鶯聲次第  
入簾來他山有石文章

重易水無訶意氣哀燈火十  
年猶楚服風雲千古望  
燕臺西園北海今朝事莫惜  
頻傾琥珀盃

其二

仲蔚蓬蒿一徑開羊車迢遞  
故人來詩名湖海猶同  
調劍氣風塵祇自哀牢落已  
成鸚鵡賦逍遙何處鳳  
凰臺報君消息今年好湏盡  
鸕鷀三百盃

喜金大來歸自婁東

人生最愁苦會短別日長鴻  
鵠飛千里終當歸故鄉

轉蓬之根茲所以隨風颺君子志四海遨遊固其常  
馬蹄遍六國天下稱蕪張但恐衣錦衣夜行鮮輝光  
素心共顏色庶不成參商三徑足偃息一竿且徜徉  
伏龍處壘中誰謂非鷹揚與爾結鞶帶堅牢慎勿忘  
把臂衡門下誠哉傲義皇青雲有時至白鶴仍翱翔  
季世多險巇合離無定方市交滿天地反手生炎涼  
今日一樽酒歡來何可當

寄徐伯調老師

東晉

淑氣園中見流鶯枝上來丁巳伐木聲音響一何哀  
感物結遐想儵然傷素懷所欽在遠道聞問終歲垂  
老桂舊同賞梨花今獨開春星照懸榻絳帳空徘徊  
風雨間良晤誰當陳與雷回思杏壇日杖屨曾追陪  
白雪能和歌玄酒無停杯禊袍寒亦解甘脆飢可推  
日月忽變遷東西各一涯楊雲自寂寞方朔殊詼諧  
處世竟異途因時副其才中情默相望千里欲溯洄  
雙翼阻高風咄喑成土灰喬柯不下曲兔絲實廢材

願得三光明麗茲長夜臺英雄有本等安敢終蒿萊  
但恐蘭臭踈羽毛嗾催顏短歌寄悵快寤寐誠悠哉

春日鑑湖道中分韻得唐字

一色晴雲百里光梅花片上襲牙檣膺舟安穩干戈  
短謝塵續紛歲月長逸興已能追兩晉詩名豈肯讓  
三唐春風處上江南曲惆悵西施霸越王

擊筑行贈劉子范

擊筑擊筑哀音促高歌大叫長聲哭天涯意氣不相

侔有錢多買酒與肉酒酣肉飽徒自憐決肯直視滄  
浪天四座菜上無一語但能唏噓稱苟全人生落寞  
少匹儔種瓜須學東陵侯前有許由後伯夷何必干  
時歌飯牛飯牛固是霸王理不值齊桓千古耻錢椎  
在手姑深藏坐待圯橋黄石履

讀金大來婁東詩稿

客路疑吞鳳推敲漸自然律如工部細句比翰林圓  
敏捷聞千首酖醕見百篇吳門紙價貴定為此詩傳



其二

之子貂裘弊奚囊句倍妍江山供寸楮月露逞連篇  
定奪龍門錦還誇御壁聯每因開卷後風雨到窓前

遊果園

得叩柴關靜裡緣琉璃光照海雲鈿梅花一院消紅  
粉修竹千竿護碧蓮白社若容陶令醉清談甘學遠  
公禪最憐人意歸帆後金磬隨風到客船

贈女僧谷虛出關詩

三年面壁九年功楊柳章臺智慧風金鎖開時龍象  
見寶簪落處鳳凰空座飄紅袖今三昧池擁青蓮古  
六通百丈竿頭梅子熟白毫光射黛痕中

其二

長齋繡佛女兒身金縷衣傳正此春佩玉已空巫峽  
雨梵音猶動畫梁塵西方今日開優鉢南國何時賦  
洛神不信佛燈惟寂照籠開鸚鵡一番新

題張貞明詩稿

落魄張公子竒縱不可論  
久懷投筆貴忽好下帷尊  
短褐棲三徑長城著五言  
英華飛白鳳方信有王孫

郡樓登眺

高閣春風上愁心四面來  
人家猶漢語世事已秦灰  
欲棹鷓夷舫難忘郭隗臺  
才雖慚作賦不減仲宣哀

登龍山頂上

極目龍山頂超然思遠哉  
日光秦嶂合雲影楚天開  
萬戶空烟火千年總劫灰  
仲謀不世出公瑾枉多才

其二

慷慨登臨際裒然萬感來  
龍盤見山勢虎踞憶人才  
帶礪前朝壯干戈此日哀  
沼吳誠有志應向卧薪開

舟次渡東橋

解席停畫舸和風動碧藻  
幽香夾岸生初月東山皎  
天淨浮雲空衆星殊了了  
仰視紫微垣颯然傷懷抱  
皇輿一板蕩長夜難速曉  
流水無住波忽焉成浩淼  
陽春不努力秋至見枯槁  
君子處亂離立名貴少小

仲尼悲逝川故向風塵老揮手告時賢軾軻何足道  
鳳兮德雖衰自不同凡鳥大道當固窮世情任顛倒  
遊行誰不樂我獨憂心悄

其二

日落暮烟起泊舟南山隈河流清且漪中有長夜臺  
慨今思古道涕泗縱橫來憶昔乾坤傾黃雲遍九垓  
冠裳盡倒置日月無光輝壯夫一叱怒髮指青天顏  
蹈海羞仲連採薇慕夷齊唐虞不可追談笑從鴟夷

國體簪纓存綱常士類持布衣亦凜烈視死皆如歸  
豈不畏魚龍但求忠義垂洪波三閭墓長板墮淚碑  
悠悠寸渚間赫々成風雷一歲一經過心肝每裂催  
嗟哉此身留安飽徒蚩蚩

雲門道中

避地魯家此經過又幾辰五雲嗟漠々百舌喜振々  
碧色叢篁滿清音流水均籃輿今作客洗耳昔為民  
看竹門多改妻梅鶴不馴陵陽垂釣處越女浣紗濱

事七都堪憶悠七竟莫倫牛羊雖下夕燕雀盡驚人  
路已迷三徑居猶識四鄰青山行樂舊白髮坐愁新  
感慨松喬遠沉冥趙李親鹿門慙偃息兔苑苦艱辛  
亦愛成千古惟憐老一身歌誠悲下里劍擬合延津  
月影仍留晉桃花若為秦真能存意氣何惜困風塵  
曼倩猶當貴陳平豈久貧欲高箕顛迹須信首陽真  
竚可知嚴子薪應脫買臣吳鉤世自急卞玉我殊珍  
回首衡門下殷憂正九春

東書堂

喜江陰王雙白過訪

神交千里一聯床青眼相看喜欲狂世路黃金深可  
嘆吾儕白雪正宜商春風獨下陳蕃榻夜月交傾文  
舉觴祇恐酒酣頻擊筑長虹兩道竟滄浪

春日與伯調老師話舊

相逢殊不俗正值萬花新酒對江東月詩歌渭北春  
榻塵欣再掃帳影覺重親一席真千古儒宗果賀循

其二

握手今何夕春風話不平金貂堪換酒玉樹恰聞鶯  
塵起玄黃戰鐘隨大小鳴不嫌燒燭久應暢絳紗情  
其三  
平居憐寡和良會自難忘風雨三春話芝蘭一座香  
論詩唐律細按劍漢恩長明月能相許非徒照屋梁

其四

西園悲久寂東閣喜重振白雪來高唱青雲慰故人  
攢眉三尺冷提耳一番新縱有陵陽恨相看氣自伸

相逢行贈江陰王雙白

江南三月桃花然蘭蒞襲衣香滿天抱恨湘濱十載  
餘雙桐深鎖藜杖烟蓬門車轍杳難致縱有陳平孰  
見憐吳會王生天下才不辭偃蹇東方來探竒索隱  
芒鞋遍十處九處題鳳回獨與梅墅稱神遊褰帷直  
入坐上頭主人倒屣敦殷勤客子白眼無應酬傾蓋  
之際頸可誇君何待余殊悠々王生四顧發長歎口  
吐虹霓薄霄漢指日月向我言漫々長夜何時旦

袖中椎為子房留頭上髮緣太伯斷露布能從馬上  
書報劉劍在腰間按卧龍司馬易其時經濟文章君  
盡宜自媿請纓徒有懷鬱紆尚採西山薇年七空飛  
鄒衍霜欲剖心肝誰孟嘗千古風雲一朝合哀歌豈  
遜燕市傍因君擊筑許君死宇內見曹安足商今日  
相逢樂誠樂得交灌夫師田光

亭山掃墓值雨

風雨悲淒日山河慘淡時舉頭華表鶴滿眼蓼莪詩

社稷存三閭家庭媿一兒年七當此際不敢理愁思  
其二

高山雲外聳松柏雨中悲白簡臣摸大青氈子道危  
冠裳看墓版几杖哭江籬何必羊公石方名墮淚碑

三月十九日詩

年七此日哭先皇回首金門事七忘一代冠裳惟想  
像諸陵風雨正蒼茫淚痕難到西山下怒髮空干北  
斗傍會向節旄從屬國姑留麟閣待明王

其二

平生不識御爐香  
離亂方知帝力長  
北望建章空涕淚  
東臨碣石豈徜徉  
魯連尚欲羞秦帝  
屈子能無怨楚王  
十載孤臣惟慟哭  
祇餘雙耳聽南陽

其三

風開楊柳故宮春  
萬里河山一罪臣  
社稷大名千古事  
乾坤遺恨百年身  
長纓未許終童請  
胡服慚為趙主親  
三月長安花滿地  
空憑離黍話艱辛

其四

春深萬戶落花風  
塞草連天淚滿空  
雙闕又逢楊柳碧  
十年愁對杜鵑紅  
先臣折檻歸何處  
故國銅駝在眼中  
縱有君恩酬未得  
書生能不嘆途窮

送王雙白東遊

羽毛本鳳凰  
安肯守園林  
騏驥雖伏櫪  
驍騰自有神  
男兒處屯否  
獨善違素心  
至聖孔仲尼  
車轍靡停輪  
前賢蘓季子  
奔走成縱橫  
高蹈實晏安  
靜恭抱天真

槃窩名樂國何為馳風塵舉世若長夜賴茲木鐸聲  
干戈方決裂經濟宜共成磐錯別利器斯言當佩銘  
莊周老漆園不過稱獨醒四海皆兄弟交遊焉可輕  
集思廣衆益吾道乃甚明一木支大廈立談見顏傾  
王生懷此志故欲羅俊英白日冒風雨良宵披月星  
南胡與北越延攬收其精得意在片言死生無異情  
金盡黑貂弊終不怨若辛漁釣思熊羆免且求干城  
漸離燕市客朱亥屠肆人千古多奇遇致之誠有因

嗟余蜀瓠才落莫如性生困頓雕蟲裏壯懷慚盍簪  
心雖不忘藻迹已同避秦見子勞行役飛揚作哀吟  
吟聲未絕口執手復丁寧荆棘滿衢路細微難具陳  
願君如游龍潛見無常形把袂各長歎悽然聞微音  
嘉定侯記源過訪

世已無同病君猶解獨醒孤帆連水白隻眼逼天青  
歎氣頽秦日危言動帝星素心傾蓋得何敢不忘形



十年三徑草一日聚星堂荀令香誠異彌生態本狂  
覆巢同北海避世各東牆莫厭開樽晚蘭馨不妄將  
董子一徐克家過訪

經年烏相鑠蓬蒿暗長苔錢一寸高已判門多凡鳥  
字翻驚坐有鳳凰毛功名無地堪投筆意氣因君識  
解刁月落屋梁方耳熱深七花色上緋袍

贈嘉定侯記源

侯門奇節天下傳侯生顛沛莫與宣當時甲第連雲

起簪纓世七士濟七宇宙文章宗二侯諸郎善繼承

風流頃刻天崩日月顏胡離笑舞南方來伯也死君

父死友兩弟雄心復如斗魚腹丹書事不終吳門血

灑滄江紅視歸忠孝等閒耳曹娥汨羅安足齒虎狼

未飽欲未孚大索湖漭求其孤侯生有淚不敢啼侯

生欲死非其時既為程嬰兼杵臼身代孤兒孤兒走

再赴洪波俱再生神明直與鷓夷爭大難不死後祿

長天留此人不可當逃死計窮乃逃禪芒鞋錫杖曾

經年法令稍寬禍機淺還家事多偃蹇上思君父  
下念弟怒髮指天浮雲起南胡北越喪家狗奔走八  
埏無所偶傾蓋之間見祁子土木形骸心相似侯生  
激烈作長言猶在口涕泗連自分獨醒將成命此  
地何為得同病把酒論交對面愁悲歌不已如楚囚  
忽然擊碎唾壺口霹靂一聲空中吼飛龍化雨成甘  
霖誰云吾輩非其任黃河水清應有日困頓豈為英  
雄疾侯生有時投筆起洗盡男兒四郊耻願言勿忘

今日為訪我南麓老樹陞

其二

吳市當年陣雲黑馬蹄踏碎東南壁旣帳鳴笳動地  
來無人解射燕山石侯生望北請長纓裂帛獨草陳  
琳檄定亂安辭九族空大名誓繼南陽績副車一失  
千古哀圖窮再為荆卿惜朱門半化菘弘血百折不  
回心愈赤清夜虹光每竟天嚴霜六月長盈尺回首  
家聲重可憐曾中國恥何時白因思寡和非全才走

盡天涯求其匹途窮金盡交誼深酒客博徒無不悉  
把臂祁卽抵掌談祁卽大叫侯生泣十載衡門意氣  
踈吳鉤一向空顏色鉅鹿之戰久自懷黃石兵符君  
獨識大風有時重作歌丈夫何敢終策笠此生得屬  
羽林中相期滅此同朝食莫謂斷金古道難前人芳  
規吾儕則今日相逢是耶非悠々世上誰能測君不  
見駒駉駉耳遇造父千里纒牽無逼側又不見豐城  
獄底雌雄劍延津會合風雷息從來項頸未肯誇持

贈侯生今不溢

獨坐

獨坐推愁緒雕蟲誤一生楚冠空有淚燕筑絕無聲  
世已成秦政人猶媿漢纓漆園雖足傲此鹿竟誰爭

其二

簾虛明月迥愁坐正三更漢節登樓夢宵鐘遠寺聲  
干戈真世事翰墨假人情決意隨黃石無徒守鄴城  
賀人生子

天星應育秀陸地迥生蓮蘭吐庭中瑞珠添掌上圓  
石麟初作頌玉燕晚誇妍坐見南山鳳飛鳴在目前



